

INSTRUCCIÓN ELECCIÓN CGA 2022

CENSO ELECTORAL

O censo electoral será o censo definitivo do estamento de árbitros/os das Elección da FEGAN do presente ano que figura publicado no apartado da web da FEGAN “procesos electorais” (<https://www.fegan.org/mp/default/post/3601>).

Para ficar incluído no censo electoral hai que cumprir os requisitos esixidos no Regulamento Electoral da FEGAN.

CANDIDATURA Á PRESIDENCIA DO CGA

Os requisitos para ser candidato/a á Presidencia do CGA serán os seguintes:

- Non incorrer en causas de inelixibilidade.
- Estar inscrito no censo electoral.
- Non ter imposta sanción deportiva firme que inhabilite para o desempeño de cargo federativo algún.
- As candidaturas á Presidencia do CGA deberán formalizarse polas persoas interesadas mediante escrito de presentación, en modelo oficial (atópase na páxina web da FEGAN), por correo electrónico a info@fegan.org, incluíndo o correo electrónico e fotocopia do DNI con firma autógrafa á marxe ou sinatura dixital.

MESA ELECTORAL

Formarase unha mesa electoral que estará composta pola persoa electora de maior idade que exercerá as funcións de Presidencia de Mesa e o de menor idade que actuará de secretario/a de mesa. Non poderán formar parte da Mesa as persoas candidatas.

Designaranse como suplentes as persoas electoras de maior e menor idade que sigan ás persoas titulares.

A Mesa Electoral constituirase no domicilio social da FEGAN.

FUNCIÓNS DA MESA ELECTORAL

Son funcións da mesa electoral:

- Comprobar a identidade das persoas votantes.
- Recoller as papeletas e introducilas na urna.
- Efectuar o escrutinio e redactar a acta, na que se consignará o número de persoas electoras, os votos

válidos e nulos, o resultado dos comicios e as incidencias e reclamacións que eventualmente se produzan, así como as manifestacións que, no seu caso, formulen as persoas interventoras, de todo o cal dará coñecemento inmediato e puntual á FEGAN. O orixinal do acta permanecerá nas oficinas da Federación para o seu arquivo.

VOTACIÓN

O voto efectuarase nas papeletas oficiais elaboradas pola FEGAN, non admitíndose outras. O sistema de votación desenvolverase da seguinte forma:

- A Secretaría da Mesa comprobará a identidade das persoas votantes e a Presidencia da Mesa introducirá a papeleta na urna prevista para o caso.
- Rematada a votación persoal, incluídas as persoas que forman parte da Mesa que o farán en último lugar, a persoa encargada da Secretaría abrirá os sobres recibidos por correo, procedendo a Presidencia a introducir na urna o sobre pechado que contén a papeleta do voto.
- Considerarase nula calquera papeleta que inclúa máis nomes que persoas a designar, así como a que conteña nomes de persoas que non teñan candidaturas válidas.
- En caso de haber unha única candidatura, non se procederá á votación, e esta persoa será proclamada para exercer a Presidencia do CGA.

VOTO POR CORREO

Admitirase o voto por correo para quen o solicite (por correo postal ou correo electrónico) en modelo oficial (atópase na Web da FEGAN), dirixido ao domicilio social da FEGAN ou ao correo electrónico info@fegan.org e para ser válido precisará o requisito de terse remitido a través dos servizos postais, de transporte, mensaxería ou calquera outro medio, en sobre pechado.

Para garantir o secreto do voto, utilizarase o sistema de dobre sobre, habilitándose para iso uns sobres especiais que cada persoa electora recibirá no seu domicilio, ou poderá retirar na sede da FEGAN.

O procedemento para exercer o voto será o seguinte:

- Haberá un sobre de menor tamaño no que a persoa electora introducirá a papeleta de voto.
- Unha vez pechado este primeiro sobre, introducirase no segundo sobre xunto coa fotocopia do DNI con firma autógrafa á marxe.
- Este segundo sobre, onde constará o nome da persoa electora, remitirase á sede da FEGAN.
- A Mesa Electoral só aceptará os votos por correo que lle foron entregados antes do inicio do recuento.
- O voto en cuestión deberá obrar na sede da FEGAN o día da elección que será o 13 de agosto de 2022.
- Se unha mesma persoa subscribise dous ou máis votos por correo consideraranse nulos.

- Se unha persoa electora acudise á mesa electoral para emitir o seu voto téndoo efectuado xa por correo, este terase por non recibido.
- As persoas candidatas poderán designar unha persoa interventora, calidade que deberá de acreditarse ante a Presidencia da Mesa e a súa función limitarase a presenciar o acto de votación e do escrutinio, con dereito a que se recollan na acta correspondente as manifestacións que desexe formular sobre o desenvolvemento do acto electoral.
- A designación da persoa interventora formalizarase por escrito, obrigándose a acreditar a súa calidade cando se lle requira.

ESCRUTINIO

Concluída a votación, a Mesa Electoral procederá ao correspondente escrutinio, levantará a acta, especificándose os votos emitidos (válidos, nulos e en branco) que asinarán todas as persoas membros desta, así como as persoas interventoras designadas polas persoas candidatas, se as houbese, e remitirá copia dela á FEGAN, así como o nome da persoa que resultou elixida como presidenta/e e esta procederá á súa proclamación provisional.

Exporanse tanto no domicilio social e na páxina Web da FEGAN o resultado das eleccións.

Os resultados da elección poderán ser impugnados mediante escrito dirixido á FEGAN.

Transcorrido o prazo establecido para estes recursos no calendario electoral procederase á proclamación da persoa que exercerá a Presidencia do Comité Galego de Árbitros.